

A Mga Pag-ampo sa Lisod nga Panahon:

❖ Elias: Pag-ampo taliwala sa krisis

- Giunsa sa Dios pagtubag sa atong mga pag-ampo taliwala sa krisis??
 - (1) Human sa yano nga pag-ampo ni Elias, mitubag dayon ang Dios pinaagi sa kalayo (1 Hari 18:36-38).
 - (2) Human sa pito ka pag-ampo alang sa ulan, nagpadala ang Dios ug gamay nga panganod nga nahimong kusog nga bagyo (1 Hari 18:42-45).
 - (3) Sa dihang nangayo si Elias nga mamatay na siya, nagpabiling hilom ang Dios, apan nagpadala Siya ug manulonda aron pakan-on siya (1 Hari 19:4-8).
 - (4) Samtang naguol sulod sa usa ka langob, nadungog sa katapusan ni Elias ang tingog sa Dios nga nagtubag sa iyang desperadong pag-ampo (1 Hari 19:9-18).
- Usa ka tubag miabot dayon ug milagroso. Ang lain nga tubag, human sa pito ka higayon sa pag-ampo, mao ang ulan nga ilang gipangayo. Sa katapusan, human sa 40 ka adlaw, gihatagan siya sa Dios ug klaro ug makapadasig nga tubag. Ang Dios nasayod unsaon ug kanus-a pagtubag sa matag kahimtang sa atong kinabuhi..

❖ Ana: Tubag nga Dugay Moabot

- Ang pag-ampo ni Ana alang sa usa ka anak murag dali ra gitubag sa Dios (human sa siyam ka bulan nga malipayong paghulat, siyempre) (1 Samuel 1:9-20).
- Apan sa dihang ato nang basahon ang miaging mga bersikulo, makita nato nga dugay kaayo miabot ang tubag(1 Samuel 1:1-8).
- Si Penina, ang laing asawa ni Elkana, adunay mga “anak”—labaw sa usa ka anak nga lalaki—ug “tuig-tuig” niyang gisamok si Ana tungod kay wala pa siya tagai ug anak sa Dios.
- Kung ato kining tan-awon, pila kaha ka tuig nga nag-ampo si Ana alang sa usa ka anak nga wala dayon matubag?
- Usahay, ang kahilom sa Dios mahimong tungod sa atong pagkahakog (Santiago 4:3); gitaguan nga sala (Salmo 66:18); kakulang sa pagtuo (Santiago 1:6); o yano nga dili pa kini ang hustong panahon.
- Apan bisan unsa pa man, nakita sa Dios ang tibuok hulagway ug nasayod Siya unsay labing maayo alang kanato (Jeremias 29:11). Siya kanunay motubag, sa iyang kaugalingong panahon ug paagi, sa pag-ampo nga gihalad uban sa pagtuo (1 Juan 5:14-15).

B Mga Modelo sa Pag-ampo:

❖ Jesus: Ang Sulod sa Pag-ampo

- Ang paghimo ug taas ug komplikadong mga pag-ampo aron lamang makapabilib ug madayeg sa mga tigpaminaw dili mao ang matang sa pag-ampo nga gitudlo ni Jesus (Mateo 6:5-8).
- Ang atong mga pag-ampo kinahanglan sinsero ug yano, gamit ang adlaw-adlaw nga pinulongan. Ang pag-ampo usa ka importante kaayo nga bahin sa atong kinabuhi..

❖ Daniel: The structure of prayer

- Ang pag-ampo nga nasulat sa Daniel 9:4-19 nagapakita kanato sa upat ka sukaranang bahin sa pag-ampo:
 - (1) Pagdayeg (Daniel 9:4)
 - (2) Pag-angkon sa Sala ug Pagpasaylo(Daniel 9:5-15)
 - (3) Mga Pangamuyo o Paghangyo (Daniel 9:16-19)
 - (4) Pagpasalamat (Filipos 4:6))
- Wala nahuman ni Daniel ang iyang pag-ampo (pagpasalamat) tungod kay giabtan siya ni Gabriel.
- Kini nga pamaagi magamit sa atong personal ug pampublikong mga pag-ampo. Siyempre, ang bahin sa “pag-angkon sa sala ug pagpasaylo” kinahanglan ipahiangay sa kahimtang sa pag-ampo.
- Kini nga estruktura makatabang aron ang atong pag-ampo magpabilin nga nakasentro sa Dios, ug dili mahimong sama sa usa ka “shopping list” sa atong mga gusto gikan sa langitnong tipiganan..

C Upat ka Pangutana Bahin sa Pag-ampo

❖ Nganong mag-ampo man kita nga kabalo na man ang Dios sa tanan?

- Ang pag-ampo nagapaduol kanato sa trono sa Dios ug nagadasig kanato sa pagsusi sa atong kaugalingon ug sa pagtan-aw pag-usab sa atong relasyon uban Kaniya matag adlaw. Bisan pa og dili kita kabalo unsay angay isulti, ang Espiritu Santo motabang kanato (Roma 8:26)

❖ Nganong mag-ampo man kung maayo man ang tanan?

- Ang mga manulonda nga wala makasala padayon nga nagsimba ug nagadayeg sa Dios. Labaw pa gayud kita nga kinahanglan mag-ampo ug modool Kaniya. Ang paghunahuna nga dili nato kinahanglan ang Dios tungod kay maayo ang dagan sa atong kinabuhi usa ka matang sa garbo.

❖ Kinsa man ang atong kauban sa pag-ampo?

- Depende sa kahimtang: nga kita ra usa(dinhi mahimong labing suod ug personal ang atong pag-ampo); kauban ang pamilya o gagmay nga grupo; ug sulod sa simbahan..

❖ Unsaon nato pagpaminaw sa Dios?

- Ang labing klaro ug labing luwas nga paagi mao ang paghiusa sa pag-ampo ug pagtuon sa Biblia isip bahin sa atong personal nga debosyon, likayan ang “pagpahawa” lamang sa hunahuna o pagpaminaw lang sa atong kaugalingong pagbati..